



Affischa

Suprastanza cumünala dals 02.08.2022

Presidi: Peer-Puorger Victor

Partecipant/s: Riatsch-Fedi Fadri
Cantieni-Lanfranchi Andri
Caviezel-Domenig Ursina
Kirchen-Werro Armon

S-chüsà:

Protocol: Oswald Gian Claudio

Fabrica: Paulmichl-Rodigari Albin

Giasst/s:

tractandas	tema	responsabel
1	0120 Executiva Acconsentimaint protocol	tuots
2	0220 Uffizi da fabrica Dum. da fabrica no. 027/2022, collecturs solars fatschada süd, Denoth Marco, parcella no. 323, Sot Baselgia 27, 7556 Ramosch Posiziun Marco Denoth	vp/ap
3	0220 Uffizi da fabrica Dum. da fabrica no. 0038/2012, fabbricar 4 abitaziuns our dal tablà, Werkstatt für Gestaltung und Ausführung GmbH, parcella 481, 7556 Ramosch Sabas fatschada süd	fr/ap
4	0220 Uffizi da fabrica Dum. da fabrica no. 025/2022, terrazza e suost per autos, Pfister Not, parcella no. 6203, Las Rossas 1-152, 7558 Strada Dumonda da reponderaziun	vp/ap
5	8200 Gestìun forestala Proget forestal Sanaziun via da god Vadrain	vp/ap
6	6150 Vias cumünalas Proget sanaziun via ed infrastruttura Poz - Avant Porta e Pulvetta	tuots

7	6150 Vias cumünalas Proget fermativas da la posta sainza impedimaints Fermativas da la posta Tschlin e Vnà	vp/go/ap
8	8715 Ütilisaziun da l'energia Staziun per chargiar electroautos Piazza da parcar Quadra Secha	vp/ap
9	7900 Planisaziun dal territori Revisiun totala da la planisaziun cumünala Ingrondimaint zona da mansteranza Quadra Secha	vp/ap
10	7302 Deponias material da s-chav Deponia Chanfuorns Controlla / charta uffizi per la natüra e l'ambiant	vp/ap
11	0210 Administraziun cumünala Bieraria Tschlin SA Charta da l'uffizi per la natüra e l'ambiant a regard la bieraria, problematica sarinera Martina	vp/ap
12	7710 Sunteri e sepultüra Sunteris Valsot Dons vi dal mür dal sunteri a Tschlin, Armon Janett	vp/ap
13	0220 Uffizi da fabrica Rulottas Dumonda dad Armon Janett pel adöver da la rulotta illa zona d'agricultura	vp/ap
14	0120 Executiva Orientaziuns	tuots
15	0120 Executiva Varia (suprastanza cumünala)	tuots

0120 Executiva

131 Acconsentimaint protocol

Il protocol da la sezzüda dals 25 da lügl 2022 vegn approvà.

0220 Uffizi da fabrica

132 Dum. da fabrica no. 027/2022, collecturs solars fatschada süd, Denoth Marco, parcella no. 323, Sot Baselgia 27, 7556 Ramosch
Posiziun Marco Denoth

Il manader tecnic repassa l'andamaint in chosa. Il petent vaiva inoltrà üna dumonda per installar 4 collecturs solars per aua choda vi da sia chasa a Ramosch. La valütaziun da la suprastanza in basa a la ledscha da fabrica valabla e la ledscha da fabrica futura, vaiva manà a'l resultat, cha la dumonda ha da gnir sistida. Al petent es in seguit gnüda sporta l'uraglia giuridica da la quala el ha fat adöver. In sia posiziun manzuna il petent divers puncts chi suottastrichan l'importanza da pudair far adöver d'energia solara. El manzuna eir la ledscha d'energia federala, la quala pretenda chi vegn fat adöver d'energias verdas e/obain regenerablas. Illa discussiun da suprastanza vegnan discussiunats ils puncts cha'l petent manzuna in sia posiziun. Eir l'intimaziun dal petent da ponderar l'artichel da la ledscha nouva vegn discus.

La suprastanza decida in seguit d'adattar la ledscha da fabrica preparada da maniera cha per similis intents sco quist as po conceder ün permiss da fabrica. Al petent vegn dimena, in basa a l'adattamaint da la ledscha da fabrica futura, concess il permiss per seis intent.

0220 Uffizi da fabrica

133 Dum. da fabrica no. 0038/2012, fabbricar 4 abitaziuns our dal tablà, Werkstatt für Gestaltung und Ausführung GmbH, parcella 481, 7556 Ramosch
Sabas fatschada süd

Il capo piglia s-chüsa per quista tractanda.

Il manader tecnic spiega l'andamaint in chosa. Tenor decisiun dal tribunal ha il petent d'installar las sabas tenor dumonda da fabrica oriunda. Il manader tecnic ha gnü contact cul petent, e quai sün via electronica. Quel ha inoltrà duos variantas pella realisaziun da quellas sabas. Üna da quellas soluziuns correspuonda a la varianta chi'd es gnüda approvada, l'otra as drizza davo la construcziun dad otras parts in lain vi da las fatschadas da l'edifizi. Valabel pel process d'eira il permiss concess, i'l qual cumpiglia la realisaziun da lamellas schlinchas. Eir la decisiun dal tribunal as drizza a quella varianta.

La suprastanza es da l'avis cha las lamellas han da gnir installadas schlinch, analog a'l permiss da fabrica concess. Il petent ha da gnir infuorma in quist sen.

0220 Uffizi da fabrica

134 Dum. da fabrica no. 025/2022, terrazza e suost per autos, Pfister Not, parcella no. 6203, Las Rossas 1-152, 7558 Strada
Dumonda da reponderaziun

Il manader tecnic orientescha cha'l petent til haja contactà, davo cha sia dumonda per üna garascha cun masüras da distanzas culla parcella vaschina redottas, d'eira gnüda refüsada. El ha adattà seis intent e til ha discus cul manader tecnic. Per chi füss pussibel da realisar almain ün suost per ün auto cun ün tet chi fuorma a listess mumaint üna lobia, füss necessari da redüer la distanza da cunfin pella pütta davantvart per circa 27 cm sün 2.23 meters, e pella pütta davovart per 42 cm sün 2.08 meters.

distanza da cunfin pella pütta davantvart per circa 27 cm sün 2.23 meters, e pella pütta davovart per 42 cm sün 2.08 meters.

Davo üna vasta discussiun decida la suprastanza da refüsar quista dumonda. Fin al di dad hoz nu sun gnüts concess permiss cun simlas masüras da distanzas redottas. Per nu s-chaffir cun quista decisiun ün cas da pregüdzì, nu vegn eir per quista dumonda concess ün permiss excepziunal.

8200 Gestiu forestala

135 Proget forestal

Sanaziun via da god Vadrain

Il manader tecnic spiega la situaziun quai chi riguarda l'asfaltaziun da la via chi maina da Martina sü Vadrain. Tenor las offertas inoltradas vaiva la direcziun surdat la lavur i'l rom dal preventiv. Cun quai cha pro quistas lavurs as tratta da cuosts liats, as vaiva però decis da cuntinuar cullas lavurs. Tenor las offertas inoltradas d'eira previs d'etappar las lavurs sül 2022 e sül 2023. Uschè sun las lavurs in seguit eir gnüdas surdattas. Il silvicultur da revier, Rino Regensburger, ha in seguit gnü ulteriuras discussiuns culla ditta chi ha surtut las lavurs. Sül allontanamaint dal material chi's rechatta per part liber sün via e chi d'eira previs d'allontanar, as po desister. Quai redüa ils cuosts per bundant frs. 111'410.00. Quai chi riguarda la realisaziun da las lavurs in duos etappas s'ha eir discus amo üna jada. La ditta Käppeli Bau AG ha offri d'adattar il plan e da realisar tuot las lavurs d'ürant l'on 2022, uschè cha la via füss finida la fin d'avuost, principi da settember. Cun quista masüra croudant davent ils cuosts d'installaziun pella segunda etappa, raduond frs. 15'100.00. Il cuosts approximativs surpassan il preventiv da frs. 1'300'000.00 uschè invezza da per frs. 218'000.00 per frs. 91'400.00.

La suprastanza decida, in resguardand la situaziun descritta, da realisar las lavurs in ün'etappa. La decisiun vegn argumantada cul fat cha la via decisa saja plü economica e chi's tratta pro quists cuosts da cuosts liats, dimena cuosts per intents substanzials.

6150 Vias cumünalas

136 Proget sanaziun via ed infrastruttura Poz - Avant Porta e Pulvetta

Il manader tecnic orientescha quai chi riguarda l'intent da sanaziun da la via chantunala tras la fracziun da Ramosch. Il Chantun vaiva publichà las actas dal proget. Minchüna e minchün vaiva occasiun da tour invista illas actas. Da las personas pertoccas, voul dir proprietaris da terrain chi cunfina culla via, s'han plü o main tuots annunzchas per tour invista illas actas e per as laschar spiegar differents detagls. Eir la suprastanza ha tut invista illas actas. Pel cumün vala in quist connex da trar diversas decisiun da princip, la situaziun cha la via chantunala vegn chavada sü spordscha occasiun per diversas ponderaziuns. Sper la via chantunala es gnü decis davart dal cumün, da sanar a listess mumaint la via Pulvetta. L'infrastructura da quella es fich veglia, ed i bsögna da tilla renovar.

Via da Pulvetta:

La via da Pulvetta es previs da gnir sanada sün tuot il traquet, eir l'infrastructura ed ils idrants vegnan rimplazzats. Il manader tecnic vaiva proponü da realisar ils attachs pel plan da quartier Pulvetta sül cunfin da las parcelas no. 340 e 341.

La suprastanza va d'accord cun quistas propostas.

Las lavurs da finischun da la via Pulvetta succedan pür insembel culs adattamaints da la fermada Ramosch. Avant nu faja sen da conclüder quellas lavurs, perche chi pudess gnir ad adattamaints.

Las saivs a l'ur da la via vegnan per gronda part construidas cun lain. Ün'excepziun fuorma la saiv süsom la via da Pulvetta. Da la vart dal bügl vegn installada üna saiv da metal cun üna planca. Pervi cha la via da Poz es fich stipa e la pendenza da la storta nun es favuraivla, capita minchatant l'inviern ch'ün veicul va sur la storta oura.

A partir da l'entrada privata da la parcella no. 344 (Bain Tschanüff) a val, es gnü constatà cha'l cunfin da las parcelas nu correspuonda al adöver dal terrain. La surfatscha da la via cumpiglia parts da surfatschas privatas. Implü as rechatta üna gronda part da la scarpada sün terrain privat, e quai a charg da la surfatscha privata.

Il capo piglia s-chüsa per quista chosa.

La suprastanza decida da restar pro la soluziun preparada. Pel proget vegn resguardà il traget sco previs. L'ur da la via vegn cunfinà cun üna platta da fixaziun. Il giavüsch dal proprietari privat, da realisar ün mür da beton nu vegn agradi.

Infrastructura via chantunala: La lingia d'aua tanter l'administraziun cumünala e la cruschada culla via Pulvetta es previs da laschar, quella d'eira gnüda fatta dal 1997 e stuves in seguit esser in ün bun stadi. Pel traget da la cruschada culla via Pulvetta fin sü pro la cruschada da Plazsura es invezza previs da rimplazzar la lingia d'aua e d'installar ün ventil pella reducziun dal squitsch.

La suprastanza va d'accord cun quistas propostas.

La suprastanza ha ponderà a chaschun d'üna sezzüda schi nu fess bsögn da preparar fingià hoz attachs pel plan da quartier Plai. Quella zona cunfina culla via chantunala e l'occasiun füss favuraivla per realisar quellas lavurs preparatorias.

La suprastanza maina üna vasta discussiun, e decida a la fin da nu realisar attachs pel plan da quartier Plai. Quella surfatscha vegn tutta our da la zona da fabrica cullas lavurs da revisiun totala da la planisaziun cumünala, uschè cha quai as cuntradis.

Chanalizaziun:

Las lingias da la chanalizaziun da la chasa da scoula e dal quartier Schilana sun previs da laschar fin giò pro la via chantunala sco existent. Quellas vegnan adattadas pür i'l traget da la via chantunala e suotvart.

La suprastanza va d'accord cun quella proposta.

Pellas chasas sün parcella no. 303 e no. 320 vegnan realisats attachs da chanalizaziun illa via chantunala.

La suprastanza va d'accord cun quella proposta.

Chant Sot Baselgia:

Davart d'üna proprietaria es gnüda inoltrada la proposta da surtrar il traget da la via dal chant chi'd es amo via natürala cun salaschada.

La suprastanza decida d'asfaltar quel traget da la via. Als proprietaris cunfinants vegn però pussibilità da surtour la differenza dals cuosts tanter asfaltar e salaschada.

- Mürs a l'ur da la via: Ils mürs a lur da la via sun gnüts tut in ögl, ingio chi bsögna ha l'uffizi da construcziun bassa fat examinaziuns da las fundamaintas. In basa a quellas retscherchas vegnan mürs mantgnüts obain rinforzats. Il cordun existent vegn tuot tenor bsögn allontanà e rimplazzà.
La suprastanza va d'accord culla varianta chi'd es gnüda tschernüda pella realisaziun dals mürs e'l cordun.
- Fermativa da la posta Plaz: La fermativa da la posta a Plaz vegn adattada a las pretaisas actualas. Voul dir cha la nouva fermada ha d'accumplir eir las premissas quai chi riguarda impedimaints per glieud cun mendas corporals. Tenor ils plans chi sun avantman sarà pussibel cha'l trafic fluisch, scha la posta da suot sü ferma per cha glieud possa entrar obain sortir da l'auto da posta. Invezza blocca la posta da sur ingio il trafic per quel mumaint ch'ella lascha sortir obain entrar a passagers.
La suprastanza va d'accord cul intent quai chi riguarda ils adattamaints da la fermada.

6150 Vias cumünalas

137 Proget fermativas da la posta sainza impedimaints

Fermativas da la posta Tschlin e Vnà

Il manader tecnic repassa l'andamaint in chosa. Davo üna visita oculara cun rapreschantants da l'Auto da Posta, la pulizia da trafic chantunala, ün rapreschantant da l'uffizi da construcziun bassa ed ün coordinatur dal proget, vaiva il cumün invià las lavurs da preparaziun ed incumbenzà in seguit ün büro d'indschegner cullas lavurs da proget. Tenor ün'infuormaziun chi's vaiva surgni d'ürant la visita oculara d'eira previs cha per tuot ils tragets stan in futur be plü a disposiziun veiculs da 12 meters. Per Tschlin e Vnà s'augmantan uschè ils problems dal spazi necessari pro las fermadas. Our da quel motiv d'eira il coordinatur gnü contactà da nouv per sclerir datas detagliadas dals veiculs. Sün quella dumonda ais il cumün però gnü orientà cha pels tragets sü Tschlin e Vnà es eir in futur previs da far adöver da veiculs cun üna lunghezza redotta, analog a quels chi fan hoz ils serv. Our da quist motiv es da ponderar la situaziun. La suprastanza decida da seguir a la proposta da direcziun e da desister sün adattamaints vi da las fermadas da posta a Vnà e Tschlin.

8715 Ütilisaziun da l'energia

138 Staziun per chargiar electroautos

Plazza da parcar Quadra Secha

Il capo orientescha in chosa. Il legitimà dal dret da fabrica dal Chilly Hub vaiva ponderà da realisar ün parkegi sülla surfatscha da la parcella vaschina. Quellas ponderaziuns han dat andit al capo da contactar il directer da l'Energia Engiadina, Claudio à Porta. Ad üna sezzüda cun quel es gnüda discussa la situaziun quai chi riguarda l'installaziun d'üna staziun per chargiar electroautos. Tenor indicaziuns da Claudio prevezza l'Energia Engiadina d'installar sün plü bleras plazzas da parcar publicas pussibilitats per chargiar ils accus. Tuot tenor la situaziun ha da gnir ponderà che capacità cha quellas dessan avoir, mo quai nu müda nöglia vi da l'idea fundamentala. Davart da l'Energia Engiadina es gnüda protramissa üna offerta pellas differentas variantas chi stan a disposiziun. La differenza da las staziuns per chargiar es in fuond la capacità, respectivamaing la sveltezza culla quala l'accu vegn chargià. Ils cuosts varieschan tanter frs. 42'000.00 pella varianta plü debla fin

frs. 110'000.00 pella variant culla capacità la plü ota. Il lö, ingio cha la staziuns gnis installada es fich adattà. Quel as rechatta sper la via chantunala e sper ün restaurant.

La suprastanza maina üna vasta discussiun quai chi riguarda la realisaziun da similis indrizs. L'adattamaint da la zona dess succeder in connex culla revisiun totala da la planisaziun cumünala. Per cha culla realisaziun da l'intent nun es da spettar, decida la suprastanza d'inviar ün proceder da BAB per dumandar pel permiss necessari.

7900 Planisaziun dal territori

139 Revisiun totala da la planisaziun cumünala

Ingrondimaint zona da mansteranza Quadra Secha

Il capo orientescha chi ha gnü lö üna sezzüda cun Reto Zanetti e Bernhard Schaad in connex cun ün giavüsch da Reto quai chi riguarda ün eventual ingrondimaint da la surfatscha dal dret da fabrica a Quadra Secha. El vuless ingrondir la bacharia e fabrichar ün deposit per differentas utensils ch'el dovra pella sporta da catering. Cun quai cha sülla surfatscha chi appartegna al cumün nun es pussibel d'agradir al giavüsch, ha Reto contactà il proprietari dal terrain vaschin, Bernhard Schaad. Da la parcella da Bernhard, chi's rechatta actualmaing illa zona d'agricultura, as vuless acquistar üna sribla cun üna larghezza da raduond 6 meters, chi cunfina culla surfatscha dal dret da fabrica. L'idea es cha'l cumün acquista quel terrain ed ingrondischa in seguit la surfatscha dal dret da fabrica da la Bacharia Zanetti. Per realisar l'ingrondimaint da l'edifizi gess Bernhard d'accord da conceder ün dret da construir sül cunfin da sia parcella. Pel acquist dal terrain es gnü offri a Bernhard ün predscha da frs. 100.00 m². Ils cuosts da geometer, uffizi fundiari sco eir l'imposta da müdaman van a charg dal cumün. Ulteriuras impostas ha da surtour il vendader sves.

La suprastanza va d'accord cul intent sco proponü. Per cha quist intent possa gnir realisà in quista fuorma, bsögna adattamaints da la zona. Quels dessan gnir integrats illa revisiun totala da la planisaziun cumünala. La correspundenta mutaziun e l'elavuraziun dal contrat da cumprita po gnir inviada da la direcziun.

7302 Deponias material da s-chav

140 Deponia Chanfuorns

Controlla / charta uffizi per la natüra e l'ambiant

Il manader tecnic spiega ch'el haja gnü üna visita oculara illa deponia da Chanfuorns cun sar Rolf Sidler da l'uffizi pella natüra e l'ambiant. Andit a quist termin ha dat, cha'l cumün vaiva surgni ün permiss chi d'eira limità fin i'l 2010 pella deponia. Tenor las explicaziuns da quel signur, es la situaziun da la deponia in uorden. Per serrar giò la deponia ha il cumün però d'inoltrar uossa üna dumonda da BAB, e quai fin la fin da december 2022. Cur cha tala dumonda es gnüda approvada, ha il cumün da recultivar la deponia infra 3 ons. Üna prolungaziun dal permiss es esclusa. La deponia as rechatta illa zona da protecziun d'ogna naziunala. A sar Rolf ha dat implü in ögl, chi vegn chavà oura gera da la Val Chanfuorns. Quai nu pertocca sias incumbenzas mo eir per quai nu dispuona il cumün plü d'ün permiss valabel.

La suprastanza es da l'avis chi dess gnir preparada üna dumonda da BAB pellas lavurs da conclusiun da la deponia. Üna part integrala da la cumonda dess fuormar la pussibilità da pudair tour oura gera da la Val Chanfuorns eir in futur. Cun quai cha tuot ils cumüns han similis problems, ha la conferenza da presidents tractandà quista problematica per üna sezzüda futura. Id es d'aspirar üna soluziun cumünaivla per tuot ils cumüns da l'Engiadina Bassa.

0210 Administraziun cumünala

141 Bieraria Tschlin SA

Charta da l'uffizi per la natüra e l'ambient a regard la bieraria, problematica sarinera Martina

Il manader tecnic orientescha sur da la charta d'avart da l'uffizi per la natüra e l'ambient. Quels han repetidamaing manà tras ün'examinaziun da la sarinera a Martina. Andit a quella ha dat repetidamaing la Bieraria Tschlin SA, chi svia l'aua da la producziun amo adüna illa chanelisaziun cumünala. Il fat cha las valurs da quell'aua sun fich donnagiaivlas pella chanelisaziun cumünala e pella sarinera es bain cuntschaint. Adonta cha la Bieraria Tschlin SA nun implischa plü giò la biera illas localitats a Martina, nu's vaiva la situaziun amegladrada da maniera sufficiainta. Davart dal surnomnà uffizi vegnan fat propostas per soluziuns intermediaras. Problematic in quist cas es la valur da ph cha l'aua ha. Quella es obain mass'ota o massa bassa, voul dir mass'ascha o massa basica. Tuottas duos variantas donnageschan la sostanza. Implü maina l'aua per part grondas quantitats da rests da la producziun da la biera, e quai adonta chal bierer filtrescha ils liquids avant cha quels fluischan illa chanelisaziun. La belma illa sarinera cuntegna rests clers ed evidaints. La quantità da quels es uschè ota, cha la biologia da la sarinera nu funcziuna plü da maniera sufficiainta. Sco masüra propuona l'uffizi chantunal d'augmantar la surfatscha sur la quala vegn agiunt ajer ils batschigls. Tenor lur opiniun schoglia quella masüra però be il problem actual, e nun es sufficiainta in cas d'ün augmaint da la producziun da biera futura. A chaschun d'üna sezzüda cumünaipla culs respunsabels da la bieraria s'ha discussiunà la situaziun. Quels han decis masüras e realisà adattamaints technics. Quant diligiaint cha las masüras decisas vegnan tgnüdas aint, nus po invezza cumprovar. La calculaziun da cuosts pellas masüras demuossan cuosts externs da raduond frs. 22'000.00. tuot in tuot s'amuntan ils cuosts a frs. 27'000.00. La suprastanza decida da realisar las masüras e deliberescha our da quel motiv üna credit ill'otezza necessaria pellas lavurs.

7710 Sunteri e sepultüra

142 Sunteris Valsot

Dons vi dal mür dal sunteri a Tschlin, Armon Janett

Il capo orientescha, cha Armon Janett ha tut posiziun sülla charta chi til d'eira gnü protramissa in connex culs dons cha sias bes-chas han fat vi dal mür dal sunteri a Tschlin, ed il problem culs cunigls. Las retscherchas demuossan cha la situaziun culs cunigls saja suot controlla. Tenor Armon ha el decis da mazzar ils cunigls e fat ils sclerimaints necessaris. Quai chi riguarda il mür manzuna el cha divers dons d'eiran fingià existents cur ch'el ha cumanzà da metter la sias bes-chas, mo ch'el es eir da l'avis chi'd es da far alch. El propuona eir chi füss d'allontanar il bos-ch sper il mür dal sunteri. La direcziun vaiva fingià decis da laschar allontanar duos bos-chs dadour il mür dal sunteri. Quai chi riguarda ils dons vi dal mür vegn proponü da far ün visita oculara per discussiunar la situaziun. In basa a quella füss lura pussibel da procurar ün'offerta pellas lavurs, obain chi's vezza cha'l cumün es bun da schoglier svesch quel problem. La suprastanza va d'accord culla proposta e decida d'inchaminar quella via. L'approvaziun d'ün eventual credit succeda cur chi sun avantman offertas per lavurs necessarias.

0220 Uffici da fabrica

143 Rulottas

Dumonda dad Armon Janett pel adöver da la rulotta illa zona d'agricultura

Il manader tecnic orientescha cha Armon Janett ha inoltrà üna dumonda per piazza üna rulotta dūrant il temp chi vegn fat cun fain sūl territori dadour cumün. Quella servs a quel chi fan cun fain per mangiar e far marena.

La supranza segua a la proposta da la direcziun e decida da refüsar la dumonda.

0120 Executiva

144 Orientaziuns*Installaziun d'implants solars sün edifizis publics*

Andri Cantieni orientescha ch'el haja surgni las actas quai chi riguarda la promoziun d'implants solars sün edifizis publicas. Tenor quellas actas as po dumandar per sustegns pellas lavurs da progettaziun. Ils cuosts pel intent sco tal van a charg dal cumün. Quista tematica es da tractandar per üna sezzüda futura. El propuona inavant, cha pel intent da l'ingrondimaint da la chasa da scoula a Strada es da far üna survista pels cuost dal proget chi pertoccan la realisaziun da l'installaziun da cellas solaras, per cha quel possa gnir inoltrà. Uschè pudess il cumün surgnir ün import da sustegn.

0120 Executiva

145 Varia (supranza cumünala)*Via d'access Griosch, sviamaint*

Fadri Riatsch orientescha, cha'ls proprietaris da las chamonnas chi cunfinan culla via, s'han vouts invers el per dumandar schi nu füss pussibel da priorisar il sviamaint a Griosch. Il trafic chi circulescha tanter las chasa chaschuna adüna darcheu dons. Implü serva quella via eir sco access pell'alp.

La supranza es da l'avis cha quista dumonda ha da gnir drizzada a la Società da Meglioraziun Ramosch. Il vicecapo es orientà cha davart dals sfrüaders es gnüda preparada üna charta a man dal president da la Società da Meglioraziun Ramosch.

Festa dals 1. Avuost 2022

Il capo orientescha sur da las festivitats sū Tschlin. El ingrazcha pro quist'ocasiun ad Armon Kirchen chi ha tgnü il pled official.

7556 Ramosch, 31.08.2022



Il capo:

Il manader administraziun: